



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Ex miserijs humanis S. Augustinus, alijq[ue] discunt mundu[m] contemnere.

**urn:nbn:de:hbz:466:1-45701**

etiam si rebus prosperis demulceret animus. At postquam tot flagellis  
premitur, tot nobis quotidie flagella ingeminat, quid nobis aliud, quam  
ne diligatur, clamat? Itamus, cum apud Antigonum, corporis ad- Brusonius  
uersa valetudine laborans, strenue tamen militaret, nullum ho- lib. 4. cap. 15.  
stem, nullum periculum formidans, rogatus a rege palloris cau- post Plutarch.  
sam, aegritudinem incognitam cauissatus est. Rex igitur animi  
magnificentia ductus jubet remedia adhiberi ad eum sanandum.  
Restitutus autem sanitati miles, postea timidior cauiorque fa-  
ctus, omnia mortis pericula vitabat. Interrogatus igitur a rege  
mutationis cauissam, respondit: O rex, tu me minus audacem fe-  
cisti, quod ies malis me vindicasti, quibus vita a me mea contemptus  
habebatur. Sensit nimis vel miles, aegritudinem hominibus in  
eo prodesse, ut omnia fortunae bona, & ipsam etiam vitam mi-  
seram atque aegrum nosam contemnant, qua cum sani sumus, in  
nostram perniciem abutimur. Libenter igitur gloriabor in infirmi-  
tatis meis, ait Apostolus. ut inhabitet in me virtus Christi. Propter  
quod placeo mihi in infirmitatibus meis, in contumelias, in necessitatibus,  
in persecutionibus, in angustiis pro Christo. Cum enim infirmor,  
tunc potens sum. Nam virtus in infirmitate perficitur, ut paulo  
prius dixerat. Magna autem est virtus, mundum despicere; qui  
non potest faciliter despici, quam cum tot miserijs amarescit.

Quæ cogitatio non solum Apostolum magnum, sed etiam  
magnum Episcopum induxit, ut cuncta caduca nihil faceret. 9. Augustin.  
Nam ita loquitur: Tadet me, Domine, valde vita huius, & istius e- lib. Medit.  
rum nosa peregrinationis. Vita hac, vita misera, vita caduca, vita in- cap. 23.  
certa, vita laboriosa, vita immunda, vita dominica malorum, regina su-  
perborum, plena miserijs & erroribus; quæ non est vita dicenda, sed  
mors; in qua momentis singulis morimur, per varios mutabilitatis de-  
fectus, diuersis generibus mortium. Et paulo post. Et his malis om-  
nibus mors furibunda succedit, simulq[ue] cunctis gaudijs istius misera vi-  
ta ita finem imponit: ut cum esse desierit, non fuisse putetur. Mors ista  
vitalis, & vita mortalis: licet his alijs sit respersa amaritudinibus:  
pro dolor, quam plurimos suis capit illecebris, & quam multos suis  
falsis promissionibus decipit? Et cum ita per se sit falsa & amara, ut  
etiam suos cacos amatores latere non valeat: tamen infinitam scelerum  
multitudinem aureo calice, quem in manu habet, potat, & prorsus ine-  
briat.

## VI.

C 2

briat.

briat. Felices illi, & ipsi rari, qui familiaritatem eius recusant, perfunctoria gaudia spernunt, societatem abiciunt, ne cum pereunte deceptrice, & ipsi perire cogantur. Inter quos fuit monachus ille

Io: Climach.  
in scala cæli.  
grad. 6.

Ægyptius, qui Ioanni Climacho narravit, se, cum in intimo cordis mortis memoriam penitus fixisset, velletq; aliquando, neceſſitate urgente, carnis huius luto solatiq; aliquid indulgere, ab huiusmodi memoria, veluti à quodam judice prohibitum esse. Quodque mirabilius est, cum vehementer vellet hanc memoriam repellere a ſe, non potuit. Adeò profuit ad mundi illecebras, carnisque fomenta negligenda, vel memoria mortalitatis, & humanarum calamitatum, qua omnes morte finiuntur.

## VII.

Pſal. 319. 5.  
Rom. 7. 24.

Pſal. 141. 8.  
Pſal. 41. 3.  
Ex cap. 13.  
triplicis co-  
ronæ B. V.  
tract. 3. P.  
Francisci  
Poiræi.  
Pſal. 90.

Hæc vitæ ærumnosæ incommoda, qui secum expendunt, numquam de vitæ breuitate conqueruntur: immò potius ægrè ferunt mortis dilationem, quemadmodum illi, qui diu in ergastulo detinentur; quos quò citius liberos dimittis, eò clementiùs tractas. Heu mihi, quia incolatus meus prolongatus est! clamat è carcere suo Propheta. Et Apostolus: Infelix ego homo, quis me liberabit de corpore mortis huius? Quale gaudium est nauigantium ad optatum portum appellentium? atque è ſauientis Oceani procellis emergentium? Quis murmurat, cum onus graue, ſarcinamque molestā jubetur deponere? Quid ergo homines muſfant, si id impetrant, pro quo ille oravit, qui dixit: Educ de custodia animam meam? itemque: Quando veniam & apparebo ante faciem Dei? P. Franciscus Coſterus, cum SS. Sacramentis ad agonem muniretur, identidem exclamabat: ô quale gaudium! ô qua consolatio! Post ea peracta legi ſibi Pſalmum voluit: Qui habitat, in quo admiranda facinora diuina prouidentia enumerantur, in eos edita, qui ei ſe totos permifſſent. Post eius Pſalmi ſingulos versus affirmabat, ſingula ſibi ordine ita obtigiffe, ut erant illic expreſſa. Cum ventum ad illa verba fuiffet: Longitudine dierum replebo eum: Et hoc, inquit, apud me locum habet; Dei enim singulari beneficio octoginta & octo annis vixi, nullo unquam morbo tentatus. Ad extrema versus illius verba: Et ostendam illi ſalutare meum: Hoc, inquit, unum reſtat; quod modo expecto. Cumq; aſtantium aliqui adderent, ſperare ſe, hoc supremum beneficium ad cumulum ei teterorum accessurum: Non dubito, respondit. Ita felix Dei ſeruum obiit, ſancta hilaritate, ac fiducia ſalutis,